



**Republika e Kosovës**  
**Republika Kosova - Republic of Kosovo**

**ZYRA E RREGULLATORIT PËR ENERGJI**  
**REGULATORNI URED ZA ENERGIJU**  
**ENERGY REGULATORY OFFICE**



## **Rregulla për Vlerësimin e Projekteve Kapitale në Rrjetin e Transmetimit dhe Shpërndarjes**

Prill 2017

## Përmbajtja

KREU I	DISPOZITAT E PËRGJITHSHME.....	3
Neni 1	Fushëveprimi dhe qëllimi .....	3
Neni 2	Përkufizimet dhe interpretimet.....	3
KREU II	DORËZIMI I PLANEVE TË PROPOZUARA PËR INVESTIME .....	4
Neni 3	Orari i dorëzimit dhe rishikimit .....	4
Neni 4	Përmbajtja e Planit Pesëvjeçar Investues.....	5
Neni 5	Vlerësimi dhe Aplikimi.....	6
KREU III	REZULTATET E PËRCAKTUARA.....	7
Neni 6	Përcaktimi i Rezultateve .....	7
Neni 7	Raportimi i Performancës.....	8
KREU IV	ANALIZA E KOST-BENEFITIT TË PROJEKTEVE DHE PROGRAMEVE .....	8
Neni 8	Qëllimi dhe Qasja në AKB .....	8
Neni 9	Vlerësimi i Kostove dhe Përfitimeve .....	9
Neni 10	Kriteret dhe Vlerat Hyrëse.....	10
KREU V	PRIORITIZIMI I PROJEKTIT .....	11
Neni 11	Faktorët e prioritizimit .....	11
KREU VII	DISPOZITAT PËRFUNDIMTARE DHE KALIMTARE.....	13
Neni 12	Interpretimi .....	13
Neni 13	Ndryshimi .....	13
Neni 14	Hyrja në fuqi .....	13

Bordi i Zyrës së Rregullatorit për Energji, sipas autoritetit të dhënë në Ligjin për Rregullatorin e Energjisë Nr. 05/L-84, nenin 9, paragrafi 1, nënparagrafi 1.7, nenin 15, paragrafin 1, nënparagrafi 1.5, nenin 26, paragrafi 1, nënparagrafi 1.1, nënparagrafi 1.2 dhe nenin 47, paragrafi 1, në seancën e mbajtur me [datë][muaj]2017, miratoi:

## Rregulla për Vlerësimin e Projekteve Kapitale në Rrjetin e Transmetimit dhe Shpërndarjes

### KREU I DISPOZITAT E PËRGJITHSHME

#### Neni 1

#### Fushëveprimi dhe qëllimi

1. Kjo Rregull përcakton:
  - 1.1 Procesin e dorëzimit nga të licencuarit si: Operatori i Sistemit të Transmetimit, Operator i Tregut dhe Operatori i Sistemit të Shpërndarjes të planeve të tyre të propozuara për investime, kostot e të cilave duhet të mbulohen nga tarifat e rregulluara, si pjesë e çdo Shqyrtimi Tarifor Shumëvjeçar.
  - 1.2 Të dhënat, dëshmitë dhe arsyetimet që duhet të dorëzohen nga të licencuarit e lartpërmendur për të mbështetur planet e tyre të propozuara për investime.

#### Neni 2

#### Përkufizimet dhe interpretimet

1. Shprehjet e mëposhtme janë përdorur në këtë Rregull dhe kanë kuptimin si në vijim:
  - 1.1 Plani Dhjetë Vjeçar i Zhvillimit të Rrjetit (**10YNDP**);
  - 1.2 Plani Pesëvjeçar Investues (**5YNIP**);
  - 1.3 **Operatori i Sistemit të Shpërndarjes ose OSSH** - personi fizik ose juridik, përgjegjës për operimin, mirëmbajtjen dhe, sipas nevojës, zhvillimin e sistemit të shpërndarjes në një zonë të caktuar, si dhe ku është e mundur interkonektorët e tij me sistemet tjera, si dhe për sigurimin e aftësisë afatgjate të sistemit për të mbuluar kërkesat e arsyeshme për shpërndarjen e energjisë elektrike;
  - 1.4 **Operatori i Sistemit të Transmetimit** ose "OST"- personi fizik, ose juridik përgjegjës për operimin, mirëmbajtjen dhe, sipas nevojës, zhvillimin e rrjetit të transmetimit në një zonë të caktuar përfshirë kurdo që kjo është e mundur, interkonektorët me sistemet tjera, dhe për të garantuar aftësinë afatgjate të rrjetit për të përmbushur kërkesat për transmetimin e energjisë elektrike;
  - 1.5 **CBA** – Kost-Benefit Analiza;

- 1.6 **ENTSO-E** –Rrjeti European i Operatorëve të Sistemit të Transmisionit për Energji Elektrike;
  - 1.7 **MYT** –Tarifa Shumë-Vjeçare;
  - 1.8 **NPV** – Vlera Neto e Tanishme;
  - 1.9 **VOLL** – Vlera e Energjisë së Reduktuar;
  - 1.10 **Zyra e Rregullatorit për Energji** – është agjenci e pavarur në sektorin e energjisë, e themeluar me ligjin për Rregullatorin e Energjisë;
2. Termat e tjera të kësaj rregulle do ta kenë kuptimin që u është dhënë në Ligjin për Rregullatorin e Energjisë, Ligjin për Energjinë Elektrike apo në Ligjin për Energjinë.

## **KREU II DORËZIMI I PLANEVE TË PROPOZUARA PËR INVESTIME**

### **Neni 3**

#### **Orari i dorëzimit dhe rishikimit**

1. Çdo i licencuar duhet të dorëzojë te Rregullatori një Plan Preliminar Pesëvjeçar për Investime në Rrjet (5YNIP) jo më vonë se 15 marsi i vitit që i paraprin Shqyrtimin Periodik. Përmbajtjet e Planit Pesëvjeçar Investues janë specifikuar në Nenin 4.
2. Jo më vonë se 5 maji i të njëjtit vit, Rregullatori do të identifikojë informatat apo të dhënat shtesë të nevojshme për të kompletuar shqyrtimin e Planit Pesëvjeçar Investues preliminar.
3. Jo më vonë se 1 qershori i të njëjtit vit, të licencuarit do të dorëzojnë te Rregullatori Planin Pesëvjeçar sipas përmbajtjes së specifikuar në Nenin 4 dhe do të marrin parasysh informatat apo të dhënat shtesë të kërkuara nga Rregullatori pas shqyrtimit preliminar.
4. Një përmbledhje e Planit Pesëvjeçar Investues do të publikohet në faqen elektronike zyrtare te Rregullatorit. Informatat konfidenciale komerciale mund të redaktohen në përmbledhjen e publikuar.
5. Jo më vonë se data 15 gusht e të njëjtit vit, Rregullatori do të identifikoj çdo informatë shtesë apo të dhënë që kërkohet për përfundimin e shqyrtimit të vetë të Planit Pesëvjeçar Investues të dorëzuar. Të licencuarit duhet të dorëzojnë çdo informatë ose të dhënë të tillë shtesë të identifikuar deri me 31 gusht të të njëjtit vit.
6. Të licencuarve mund të ju kërkohet që të prezantojnë Planin Pesëvjeçar Investues të dorëzuar në Rregullator dhe/ose në një seancë publike si pjesë e procesit të vlerësimit.

## Neni 4

### Përmbajtja e Planit Pesëvjeçar Investues

1. Planit Pesëvjeçar Investues që do të dorëzohet te Rregullatori duhet të përmbajë, së paku, përmbajtjet e mëposhtme:
  - 1.1 Një shpjegim për procesin e përdorur për përgatitjen e Planit Pesëvjeçar Investues dhe procesin e identifikimit dhe përfshirjes së kërkesave të përdoruesve të rrjetit në plan;
  - 1.2 Një përmbledhje të Planit Pesëvjeçar Investues që tregon shpenzimet e pritshme dhe vlerat e komisionimit të aseteve në çdo vit të periudhës rregullative;
  - 1.3 Një krahasim i Planit Pesëvjeçar Investues me Planin Dhjetëvjeçar të Zhvillimit të Rrjetit (10YNDP) të fundit të miratuar, duke identifikuar dhe shpjeguar çdo dallim domethënës midis të dyjave;
  - 1.4 Një grup i rezultateve të përcaktuara të cilat do të arrihen nga Planit Pesëvjeçar Investues, kundrejt të cilave do të vlerësohet performanca e të licencuarit. Përcaktimi i tyre është përshkruar më poshtë;
  - 1.5 Një listë e të gjitha projekteve të mëdha individuale që do të ndërmerren në kuadër të Planit Pesëvjeçar Investues, e shoqëruar me një përmbledhje të përshkrimit teknik, vlerësime të kostos, plan të zbatimit dhe arsytim për nevojën e projektit duke përfshirë shtjellimin e alternativave që janë marrë parasysh;
  - 1.6 Një listë të të gjitha programeve të projekteve të shumta të vogla që do të ndërmerren në kuadër të Planit Pesëvjeçar Investues, të shoqëruar me një përmbledhje të përshkrimit teknik, vlerësime të kostos, plan të zbatimit, arsytim teknik;
  - 1.7 Në rastet kur një projekt ose program tejkalon pragun e përcaktuar, një analizë ekonomike të kost-benefitit (AKB) për atë projekt ose program duhet të dërgohet tek Rregullatori. Përmbajtja e analizë kost-benefitit është e përshkruar më poshtë;
  - 1.8 Një renditje prioritare të projekteve dhe programeve të përfshira në Planin Pesëvjeçar Investues. Kriteret që do të përdoren për këtë renditje janë përshkruar më poshtë;
  - 1.9 Një përshkrim të rreziqeve kryesore në arritjen e Planit Pesëvjeçar Investues dhe mënyrën se si i licencuari ka për qëllim që të zbusë ose të menaxhoj ato.
2. Të gjitha projektet dhe programet që do të përfshihen në Planin Pesëvjeçar Investues duhet të kenë të përfunduar një studim të para-fizibilitetit dhe fizibilitetit. Këto studime nuk duhet të përfshihen në Planin Pesëvjeçar Investues e dorëzuar por duhet të jenë në dispozicion të Rregullatorit nëse ato kërkohen për një shqyrtim më të hollësishëm.
3. Për qëllime të paragrafit 1.5 të këtij neni, një projekt 'i madh' duhet të përkufizohet si një projekt me një kosto të vlerësuar kapitale të barabartë me ose më të madhe se 50,000 € ose një kufizim të tillë tjetër për të cilin Rregullatori mund të njoftoj kohë pas kohe të licencuarit.

4. Për qëllime të paragrafit 1.7 të këtij neni, pragu për një projekt ose program individual të projekteve të shumta për të cilat duhet të bëhet analiza kosto-benefit duhet të caktohet në 1 milion € ose një vlerë të tillë për të cilën Rregullatori mund të njoftoj kohë pas kohe të licencuarit.

## **Neni 5**

### **Vlerësimi dhe Aplikimi**

1. Jo më vonë se me datë 30 shtator e të njëjtit vit, Rregullatori do të publikoj raportin e vetë të vlerësimit për secilën Plan Pesëvjeçar Investues 5YNIP të dorëzuar:
  - 1.1 Raporti i vlerësimit do të identifikoj se cilat projekte dhe programe Rregullatori propozon të përfshihen në të hyrat e lejuara që do të mbulohen gjatë periudhës së ardhshme rregullative dhe nivelin e shpenzimeve për vit;
  - 1.2 Raporti gjithashtu duhet të identifikoj se cilat projekte dhe programe nuk do të përfshihen në të hyrat e lejuara dhe cilat do të përfshihen me një kosto tjetër kapitale nga ajo që është përfshirë në Planin Pesëvjeçar Investues të dorëzuar me një shpjegim të arsyeve për secilin rast.
2. Raporti i vlerësimit do të publikohet në faqen elektronike zyrtare të ZRRE-së.
3. Përderisa raporti i vlerësimit do të jetë një kontribut për llogaritjen e të hyrave të lejuara që do të mbulohen në kuadër të periudhës rregullative të ardhshme, kjo nuk do të detyrojë Rregullatorin që të përfshijë ose përjashtoj ndonjë projekt ose program individual nga këto të hyra të lejuara ose koston kapitale të bashkangjitur në ndonjë projekt ose program individual të përfshirë.
4. Plani final i investimeve do të përcaktohet si pjesë e vendimit final të Shqyrtimit të Tarifave për Periudhë Rregullative pas procesit të konsultimit publik dhe analizës së të hyrave të lejuara që janë propozuar dhe do të publikohen në faqen elektronike zyrtare të Rregullatorit së bashku me atë vendim.
5. Pas publikimit të planit final të investimeve, nga të licencuarit pritet që të zbatojnë këtë në mënyrë të plotë përveç në rastet, kur gjatë periudhës rregullative, projektet ose programet individuale identifikohen se më nuk janë të nevojshme ose mund të zëvendësohen me alternativa që ofrojnë rezultate ekuivalente me një kosto më të ulët për jetëgjatësinë e tyre.
6. Të licencuarit do të raportojnë në baza vjetore në Rregullator rreth progresit në zbatimin e planit të investimeve, duke identifikuar çdo vonesë ose devijim nga plani dhe duke shpjeguar arsyet për to.
7. Të licencuarit gjithashtu do të raportojnë në baza vjetore për shpenzimet e përgjithshme kapitale sipas projektit ose programit individual dhe në total kundrejt atyre në planin final të investimeve, duke identifikuar dhe shpjeguar çdo mospërputhje në mes të planit dhe vlerave aktuale.

8. Rregullatori do të marrë parasysh këtë performancë kundrejt planit final të investimeve kur të kryen shqyrtimin e vetë të Planit Pesëvjeçar Investues dhe të hyrave të lejuara gjatë periudhës së ardhshme të rregullative.

### **KREU III                      REZULTATET E PËRCAKTUARA**

#### **Neni 6**

#### **Përcaktimi i Rezultateve**

1. Si pjesë e SYNIP të dorëzuar, i licencuari do të dorëzojë një sërë rezultatesh të propozuara për monitorimin e arritjes së përfitimeve të pritshme nga plani i investimeve.
2. Këto rezultate duhet të kenë përcaktim sasior dhe të jenë verifikueshme nga të dhënat e publikuara ose nga të dhënat e mbledhura nga i licencuari.
3. Rezultatet duhet të përfshijnë masat e besueshmërisë, sigurisë dhe cilësisë së rrjetit të të licencuarit si dhe rezultate të tilla që mund të konsiderohen si të përshtatshme. Në minimum, rezultatet duhet të përfshijnë:
  - 3.1      Frekuencën dhe kohëzgjatjen e defekteve në rrjet;
  - 3.2      Energjinë që nuk është shërbyer si rezultat i mungesës së rrjetit të të licencuarit;
  - 3.3      Nivelin e humbjeve të energjisë elektrike në rrjet;
  - 3.4      Masat e gjendjes së aseteve të rrjetit.
4. Për secilin rezultat, i licencuari duhet të definojë në Planin Pesëvjeçar Investues të dorëzuar:
  - 4.1      Një vlerë bazë, që përfaqëson performancën aktuale;
  - 4.2      Vlerën e synuar në përfundim të periudhës së ardhshme rregullative nëse zbatohet Plani Pesëvjeçar Investues i dorëzuar;
  - 4.3      Vlerën e parashikuar në përfundim të periudhës së ardhshme rregullative nëse nuk zbatohet Plani Pesëvjeçar Investues e dorëzuar;
  - 4.4      Një shpjegim se si janë nxjerrë këto synime dhe vlera të parashikuara;
  - 4.5      Një përshkrim se si mund të matet dhe verifikohet performanca për secilin rezultat.

## **Neni 7**

### **Raportimi i Performancës**

1. Para përfundimit të secilës periudhë rregullative, i licencuari duhet të raportojë mbi performancën aktuale kundrejt secilit rezultat në raport me atë të projektuar në Planin Pesëvjeçar Investues.
2. ZRRE-ja do të marrë parasysh dallimet në mes të performancës aktuale dhe performancës së parashikuar në dhënien e rezultateve në:
  - 2.1 Vlerësimin e arsyeshmërisë, arsyetimin dhe rreziqet që lidhen me projektet dhe programet e propozuara të përfshira në Planin Pesëvjeçar Investues të dorëzuar në periudhën e ardhshme.
  - 2.2 Përcaktimin nëse do të aplikohet ndonjë kthim i kostove ose ndryshim tjetër në të hyrat e lejuara në kuadër të periudhës së ardhshme për shkak të ndonjë dështimi për të përfunduar programin e miratuar të investimeve për periudhën aktuale.

## **KREU IV ANALIZA E KOST-BENEFITIT TË PROJEKTEVE DHE PROGRAMEVE**

### **Neni 8**

#### **Qëllimi dhe Qasja në AKB**

1. Në këtë Kapitull, shprehja 'projekt' përdoret për t'iu referuar edhe projekteve të mëdha individuale dhe programeve të shumëfishta të projekteve të vogla për të cilat aplikohet AKB.
2. Qëllimi i AKB është që të tregojë se:
  - 2.1 Për projektet diskrecionare, të përcaktuara si ato që nuk ndërmerren për të përmbushur obligimet ligjore, projekti i propozuar ka neto përfitim pozitiv shoqëror dhe se ofron neto përfitimin më të madh pozitiv shoqëror nga cilado alternative e marrë parasysh.
  - 2.2 Për projektet e detyrueshme, të përcaktuara si ato që ndërmerren për të përmbushur obligimet ligjore, projekti i propozuar ka koston më të ulët nga alternativat e marra parasysh.
3. Obligimet ligjore të referuara në paragrafin 2 janë kërkesat ligjore për të përmbushur standardet ose obligimet specifike mjedisore, sociale, shëndetësore dhe të sigurisë të vendosura në kuadër të marrëveshjeve ndërkombëtare në të cilat Kosova është palë nënshkruese.
4. Projektet e ndërmarra për të përmbushur detyrimet për lidhje dhe/ose shfrytëzim të projekteve të përcaktuara të energjisë së ripërtëritshme në përputhje me kërkesat ligjore dhe politikat e Qeverisë së Kosovës duhet të konsiderohen si projekte të detyrueshme për qëllimet e paragrafit 2 më lartë.



5. ZRRE-ja mundet, kur të shqyrtoj Planin Pesëvjeçar Investues të dorëzuar, të përcaktoj që projektet e propozuara për të cilat është ofruar një AKB, të riklasifikohen nga ato diskrecionare në të detyrueshme ose anasjelltas dhe që AKB të rillogaritet në përputhje me rrethanat dhe të dorëzohet përsëri.
6. Për projektet diskrecionare, AKB krahason vlerën aktuale neto (NPV) të përfitimeve shoqërore të projektit pa koston totale të projektit nga alternativat e identifikuar.
7. Për projektet e detyrueshme, AKB krahason vlerën aktuale të koston totale të projektit nga alternativat e identifikuar.
8. Analiza e duhur e ndjeshmërisë duhet të përfshihet, duke treguar, së paku, ndikimin e ndryshimeve nga projektionet bazë në:
  - 8.1 Parashikimet e kërkesës dhe shfrytëzimit të projektit
  - 8.2 Kostot e lëndëve djegëse
  - 8.3 Kontributin e burimeve të ripërtëritshme të energjisë
  - 8.4 Datën e komisionimit të projektit
9. Kur ndonjë aspekt i këtyre udhëzimeve në lidhje me AKB është i paqartë ose jo i plotë, i licencuari duhet t'i referohet *ENTSO-E Udhëzime për Analizën e Kost-Benefitit të Projekteve të Zhvillimit të Rrjetit*.

## **Neni 9**

### **Vlerësimi i Kostove dhe Përfitimeve**

1. Kostot totale të projektit, ashtu siç përdoren në AKB, përfshijnë:
  - 1.1 Investimet kapitale që kërkohen duke përfshirë interesin gjatë ndërtimit dhe kosto tjera financiare dhe duke përjashtuar taksat.
  - 1.2 Një lejim i duhur për kontigjenca fizike dhe të çmimeve.
  - 1.3 Kostot e parashikuara të operimit dhe mirëmbajtjes gjatë periudhës më të shkurtër të projektit ose periudhës vlerësuese duke përfshirë çdo kosto rehabilitimi ose riparimi kapital.
  - 1.4 Ndonjë ndikim negativ të matshëm mjedisor ose social që rezulton nga projekti, i vlerësuar me gatishmërinë e banorëve të Kosovës që të paguajnë për të shmangur kosto të tilla.
2. Përfitimet totale të projektit, ashtu siç përdoren në AKB, përfshijnë:
  - 2.1 Çdo reduktim në investime kapitale dhe/ose kosto të operimit dhe mirëmbajtjes së sistemit të transmetimit dhe shpërndarjes që rezultojnë nga projekti.

- 2.2 Çdo reduktim në humbjet e sistemit që rezulton nga projekti, i vlerësuar me koston e parashikuar të blerjes së energjisë me shumicë.
  - 2.3 Çdo reduktim në Neto Energjinë e Shërbyer të parashikuar që rezulton nga projekti, i vlerësuar me Vlerën e Ngarkesës së Humbur (VNH) të aprovuar.
  - 2.4 Çdo reduktim në kosto të energjisë elektrike të furnizuar tek konsumatorët e energjisë elektrike që ndodhen brenda territorit të Kosovës që rezulton nga kufizimet e reduktuara të sistemit ose integrim më të madh të tregut, vlerësuar me kursimin e koston që ka rezultuar.
  - 2.5 Çdo reduktim në kostot e prokurimit ose sigurimit të shërbimeve ndihmëse.
  - 2.6 Çdo përfitim i matshëm pozitiv mjedisor ose social, i cili është i ndryshëm nga reduktimet në Emetimet e Gazrave Serë, që rezultojnë nga projekti, i vlerësuar me gatishmërinë e banorëve të Kosovës për të paguar për përfitime të tilla.
  - 2.7 Çdo reduktim në Emetimet e Gazrave Serë që rezulton nga projekti, i vlerësuar me koston sociale të karbonit ashtu siç është e përcaktuar më poshtë.
  - 2.8 Çdo përfitim tjetër i identifikuar nga i licencuari, se bashku me arsyetimin për përfshirjen e tyre.
  - 2.9 Për alternativat e projektit me  $NPV < 0$ , ZRRE-ja do të vendosë për nevojën e saj teknike bazuar në kriteret teknike nga Neni 6. Në rast të nevojës së projektit(eve), projekti(et) me NPV më të ulët negative do të zgjidhen si më të përshtatshmet.
3. Llogaritjet duhet të bëhen në kushte reale duke përdorur çmimet për vitin në të cilin është dorëzuar Plani Pesëvjeçar Investues (p.sh., inflacioni nuk do të merret parasysh).
  4. [Një format që do të përdoret për llogaritjen e AKB është dhënë në Shtojcën A të kësaj Rregulle.]

## **Neni 10**

### **Kriteret dhe Vlerat Hyrëse**

1. ZRRE-ja do të përcaktojë kriteret dhe vlerat hyrëse të mëposhtme jo më vonë se 31 dhjetori i çdo viti.
  - 1.1 Norma e zbritjes (e përdorur për llogaritjen e NPV);
  - 1.2 Periudha për vlerësim;
  - 1.3 Vlera e Ngarkesës së Humbur;
  - 1.4 Kostoja Sociale e Karbonit.
2. Kur asnjë vlerë nuk është e përcaktuar, atëherë vlejnjë vlerat më të fundit të përcaktuara.
3. Kur Rregullatori më parë nuk ka përcaktuar vlerën, atëherë do të zbatohen vlerat e mëposhtme:

- 3.1 Norma e zbritjes: Vlera më e fundit e publikuar që do të përdoret për vlerësimin ekonomik nga Qeveria e Kosovës. Atëherë kur nuk është publikuar asnjë vlerë, vlera e aplikuar nga ENTSO-E në Udhëzime për Analizën e Kost-Benefitit të Projekteve të Zhvillimit të Rrjetit do të përdoret.
- 3.2 Periudha për vlerësim: nga viti në të cilin Plani Pesëvjeçar Investues është dorëzuar deri në 10 vjet pas datës së planifikuar të komisionimit të projektit.
- 3.3 Vlera e Ngarkesës së Humbur: Vlerësimet e publikuara për vendet tjera të Komunitetit të Energjisë, me një preferencë në vendet të cilat janë më së afërmi gjeografikisht me Kosovën.
- 3.4 Kostoja Sociale e Karbonit: Vlera më e fundit e publikuar që do të përdoret për vlerësim ekonomik nga Qeveria e Kosovës. Kur asnjë vlerë nuk është publikuar, do të përdoret mesatarja e fundit gjashtëmujore e çmimit të përcaktuar në kuadër të Skemës që Tregtisë së Emetimeve të Bashkimit Evropian.

## **KREU V            PRIORITIZIMI I PROJEKTIT**

### **Neni 11**

#### **Faktorët e prioritizimit**

1. Të licencuarit duhet të përfshijnë në Planin Pesëvjeçar Investues një renditje prioritare të projekteve dhe programeve, me qëllim që të ndihmojë Rregullatorin në përzgjedhjen e atyre që do të përfshihen në programin e investimeve në periudhën rregullative.
2. Të gjitha projektet dhe programet e detyrueshme, të përcaktuara duke përdorur kriteret e përcaktuara në Nenin 8 më lartë renditen me prioritet të lartë.
3. Projektet dhe programet tjera duhet të klasifikohen si një nga:
  - 3.1 Prioritet i lartë – thelbësor.
  - 3.2 Prioritet mesatar – shumë i dëshirueshëm.
  - 3.3 Prioritet i ulët – i dëshirueshëm.
4. Klasifikimi duhet të bazohet në:
  - 4.1 Domosdoshmërinë teknike të projektit ose programit, me projektet dhe programet me arsyetim më të lartë teknik që janë caktuar me prioritet më të lartë.
  - 4.2 Neto përfitimi i projektit ose programit ashtu siç është llogaritur nga AKB (atëherë kur është e aplikueshme), me projektet dhe programet me neto përfitim më të lartë që janë caktuar me prioritet më të lartë.

- 4.3 Niveli i rreziqeve që lidhen me zbatimin e projektit ose programit, me projekte dhe programe me rreziqe të ulëta që janë caktuar me prioritet më të lartë.
- 4.4 Faktorë tjerë të tillë që të licencuari i konsideron si relevant.
- 5. Renditja prioritare përfundimtare do të jetë mesatarja e rëndësisë së renditjes kundrejt çdo kriteri individual.
- 6. I licencuari duhet të përfshijë në Planin Pesëvjeçar Investues të dorëzuar një përshkrim të kriterëve të përdorura për renditjen prioritare, si është caktuar një prioritet për secilin projekt dhe program kundrejt secilit kriter, si janë përdorur peshimet për të përcaktuar renditjen prioritare përfundimtare dhe duhet të tregoj renditjen përfundimtare dhe renditjen kundrejt çdo kriteri individual për secilin projekt dhe program.

**KREU VII DISPOZITAT PËRFUNDIMTARE DHE KALIMTARE**

**Neni 12  
Interpretimi**

Në rast se ka paqartësi për dispozitat e kësaj rregulle, Bordi do të nxjerrë informacione shpjeguese.

**Neni 13  
Ndryshimi**

- 1 ZRRE mban të drejtën që ta ndryshojë ose ta modifikojë çdo dispozitë të kësaj rregulle.
- 2 Procedurat për ndryshim ose modifikim të kësaj rregulle do të jenë të njëjta si për miratimin e saj.

**Neni 14  
Hyrja në fuqi**

Kjo rregull hyn në fuqi në ditën e aprovimit nga Bordi i Rregullatorit dhe do të publikohet në faqen zyrtare elektronike të Rregullatorit.

Bordi i Rregullatorit:

\_\_\_\_\_

Krenar Bujupi, u.d. kryesues

\_\_\_\_\_

Arsim Janova, anëtar

\_\_\_\_\_

Besim Sejfiqaj, anëtar